



Rietstok

19e Nuusblad van Streek Rietvallei

ONS IS 5 JAAR OUD



Rietvallei Bestuur 10/11

Voorsitter

Klaus Lübbert
Postbus 904, Silverton, 0127
083 688 636
kluubbert@lantic.net

Ondervoorsitter

Tjaart Klaasen
082 785 6895
tjaartik@absa.co.za

Penningmeester

Lucille van den Berg
082 784 8528
lucilleVa@Nedbank.co.za

Sekretaris

Trix van den Berg
082 927 3267
bvdberg@plotnet.net

Redakteur

Elsabé Grobler
083 799 1645
groblerje@absamail.co.za

Addisionele lid

Hennie Engelbrecht
082 601 5914
henniee@netactive.co.za

Senior Burgers

Margriet van den Berg
082 586 0480
wavdberg@telkom.co.za

SAWA Webblad:
www.sawa.org.za

Inhoudsopgawe

- Uit die Voorsitter se Pen
- Waarhede vanaf ons Ondervoorsitter Pitkos – Christelike Waarhede Kampnuus
 - Mopani - Januarie
 - Barham Bay – Februarie
 - Nkwe – Maart
 - Monateng - Mei
- Lief & Leed
- Senior Burger Hoekie
- Wenke
- Kleilat
- Jesus loop op die water
- Nuus vanaf Rietvallei Bestuur
- Knuppel Dik
- Lekker Lag
- Kampprogram 2011



Wat maak my swak? **My vrese.**

Wat maak my heel? **My God.**

Wat hou my staande? **My geloof.**

Wat maak my goedhartig? **My vermoë om nie heeltyd aan myself te dink nie.**

Wat maak my eerlik? **My integriteit.**

Wat hou my gedagtes skoon? **My soektog na ware kennis.**

Waaruit leer ek die beste lewenslesse? **My foute.**

Wat maak my 'n vrou? **My hart.**

Wie is ek? **Ek is voluit vrou!**

Vir mooi oë, kyk altyd na ander se goeie eienskappe;

Vir mooi lippe, sê net vriendelike woorde;

Vir grasie, loop met die wete dat jy nooit alleen is nie. **Red** ☺

Uit die Voorsitter se pen

Christelike beginsels waarop SAWA gebaseer is, is vir ons baie belangrik

Klaus Lübbert

Daar is 5 dinge wat vir my betekenis in die lewe gee en een van daardie 5 is SAWA Rietvallei. Vir my en Anet is dit 'n alles in een pakket!! Die Christelike beginsels waarop SAWA gebaseer is, is vir ons baie belangrik.

Die afgelope ses jaar saam met SAWA was fantasties, want vir my het dit Rietvallei beteken. By Rietvallei kan ek en Anet weer bymekaar uitkom, in 'n ontspanne omgewing, sonder die stres van die week se werk. Ons kuier saam met vriende, ons is in die natuur en weg van die stadslawaai. Die buitelug gee mens weer 'n huppel in jou stap, want ons stap ook graag. En bowenal is ons Skepper die Kroon van al hierdie dinge.

Van waar die afstigting?

Rietvallei se afstigting vanaf Wapadrand, het met 28 lede begin. Ons groei in die eerste jaar of twee was fenominaal tot op 46 lede waarna dit vir 'n tydperk gestabiliseer het en weer die afgelope paar maande 'n afaartse beweging ingeneem het. Dit is sover as wat ons negatief gaan wees.

Hoe het Rietvallei ontstaan?

Johann Grobler, Magriet van den Berg en Chris Delpot het een aand in Januarie so 6 jaar gelede, saam gekuier oor 'n vleisie op die kole. Die gesprek het gegaan oor 'n moontlike afstigting. Ek is gedurende die volgende week deur Johann gekontak omdat ek al tevore in gesprekke genoem het dat ek ten gunste is van 'n afstigting, omdat Streek Wapadrand, na my mening, te groot en onpersoonlik geword het.

Na 'n samekoms is besluit dat Johann sal optree as sameroeper, Margriet as sekretaresse en myself om sekere take wat tot die afstigting sou lei, te kan afhandel.

Wanneer was Rietvallei se 1e kamp? 20 Mei 2005 was toe geteiken as eerste kamp om 'n afstigtingsvergadering te hou. Die lede wat by 'n vorige verkieingsgeleentheid gestem het vir afstigting vanaf Wapadrand, is gekontak en genooi om saam te kamp. Almal was oorweldigend positief. Ons was by die eerste

kamp 28 woonwaens wat die afstigting begin het.

Wie was aan die stuur van sake? Die Reëlingskomitee, het bestaand uit drie lede, Voorsitter – Johann Grobler, Ondervoorsitter – myself en Sekretaresse – Magriet van den Berg. Vir 'n jaar het ons as sateliet van Wapadrand gekamp tot by die Streekswording van Rietvallei weer in Mei 2006. Op 20/21 Mei 2006 is ons vaandel vir die eerste keer ge-“hys”. Ons finansies was deur Johann en Magriet behartig tot die eerste volwaardige AJV in Augustus 2006. 'n Volwaardige Bestuurspan was genomineer, soos gesien kan word op ons webblad.

Dan was daar Sieg (toe die Voorsitter van Wapadrand) en Annatjie wat ook bygedra het tot die afstigtingsproses. Hulle het agter die skerms baie werk gedoen om die afstigtingsproses vanuit Wapadrand vir ons te vergemaklik. Dit het ook nie lank geneem nie toe was hulle ook deel van Rietvallei. Hul kundigheid op die gebied van organiseer en saamwerk, was vir Rietvallei beslis 'n aanwinst.

Lief en leed tydens die afgelope 5 jaar? Ons het 7 van ons lede tydens die bestaan van Rietvallei aan die dood afgestaan onder andere Corrie van Eeden, Oom Eric Harrington, Kenny Mulder,

Kiwi Henning, Daan van Vuuren, Henning Roets en onlangs Phillip van Jaarsveld. Ons dink in liefde aan hulle en hulle naastebestaandes. Van hierdie lede se gades het ook ons vreugde kom deel tydens die viering van ons 5e verjaardag.

Dan het ons ook gedurende die 5 jaar die vreugdes van huwelike beleef, soos Johann & Elsabe, Ben & Alta, Albert & Inge, Rudie & Mia, en Henri & Anria.

Van ons lede se kinders het ook in die huwelik getree. Sieg & Annatjie se drie dogters; Johann en Elsabe; Willem en Marnette; Wim en Magriet; Fritz en Etrisia; Alta en Ben en so kan ons aangaan.

Daar was 'n geweldige groei in die kindergetalle. Die Van den Berg “clan” het los hande gewen. Jaco & Trix – twee dogters, Reinier & Lucille – twee dogters. Ook Albert & Inge – twee seuns, Henri & Anria – 'n dogter. Die twee Gazendam seuns is baie bevorreg om uit vyf meisies te kan kies en keur.

Kom ons gesels KAMPE? Rietvallei het 27 verskillende oorde gedurende die vyf jaar besoek en om net vinnig 'n klompie te noem; Klein Paradys, Dube, Monateng, Nkwe,

Drie Berge, Mbizi, Bosfontein, Mopanie. Dan was daar ook Jacques en Diana Fourie wat SAWA se 40 jaar feestoer gereël het. Die toer het baie goeie ondersteuning geniet en ieder en elk het met groot glimlag teruggekeer. Gedurende die Feestoer is ook een naweek afgesonder vir die viering van SAWA se 40ste bestaansjaar.

Wat was die hoogtepunte gedurende die 5 jaar: Rietvallei het wonderlike hoogtepunte in die vyf jaar gehad. Elke verjaarsdag was op sigself 'n hoogtepunt. Die volgende wil ek tog uitsonder:

- ❖ Twee van ons lede het hul 25 jaar lidmaatskap toekenning ontvang wat in die vorm van 'n Nasionale Meriete toekenning oorhandig is – Lid 3765 Johann Grobler asook Lid 1715 Hans Koekemoer;
- ❖ Diana Fourie en Hennie Engelbrecht het elk 'n Nasionale toekenning ontvang vir hul deelname aan onderskeidelik die Webwerf en Fietsfeeste;
- ❖ Rietvallei het die beste vordering vir sy Nuusbrief ontvang en dit was te danke aan Elsabé Grobler se toewyding en kennis. Sy het ook tydens die daaropvolgende kongres 'n eervolle vermelding vir Streek bydrae tot SAWA webwerf ontvang;
- ❖ Nog hoogtepunte is die instelling van ons Senior Burger naweke waar oudlede asook gades van afgestorwe lede getrakteer word met koek en tee of etes en selfs 'n lekker boereorkes wat almal se voete laat jeuk het;
- ❖ Jacques en Diana Fourie se SAWA 40 jaar Feestoer was 'n groot hoogtepunt;
- ❖ Rietvallei se 40 jaar Feeskamp by Koro-Koro was een van ons Streek se uitstaande naweke.

Dan is daar ook van ons lede wat uitstaande diens in die groter SAWA lewer waarop ons baie trots is. Chris Delpot is aktief betrokke by SAWA se Nasionale Uitvoerende Bestuur as ondervoorsitter. 'n Man en vrou wat so betrokke is by SAWA soos Chris en Ansie, krap jy nie sommer agter elke bos uit nie.

Diana Fourie is 'n spesiale persoon as dit kom by haar lojaliteit aan SAWA. Haar kennis aangaande die webwerf het dit meegebring dat sy vinnig opgang gemaak het. Sy is die "moeder" van die SAWA se webwerf. Sy het ook 'n paar jaar gelede op Rietvallei se Bestuur gedien.

Van my kant af: Dankie aan elke lid en oudlede wat Rietvallei ondersteun en opgebou het na 'n Streek enig in sy soort!.

Waarhede vanaf ons Ondervoorsitter

Tjaart Klaasen

SAWA Rietvallei vs. Kwaliteit

SAWA, in besonder Rietvallei en sy lede, gaan vir my hand aan hand met **kwaliteit**:

- Kwaliteit tyd wat aan Christelike beginsels en die natuur spandeer word
- Kwaliteit ontspanningstyd saam met jou gesin asook ander kampeerders wat dieselfde waardes as jy onderhou
- Kwaliteit kampeer ervarings in goed georganiseerde omstandighede
-

Rietvallei is nou 5 jaar oud met net onder die 40 lede. 'n Vinnige terugblik laat mens net weer besef dat ons wel die SAWA waardes, soos hieronder opgesom, probeer handhaaf na die beste van ons vermoë:

- Christenskap
- Lojaliteit
- Respek
- Integriteit
- Eerlikheid
- Diensbaarheid
- Verdraagsaamheid.



Dit is so dat ons lede verloor weens omstandighede, maar so kry ons ook weer nuwe lede by om die Rietvallei ledetal aan te sterk, mees onlangse lede wat aangesluit het is Pieter en Magdaleen Viljoen asook Henry en Roekie Hill. Baie welkom julle. Enige organisasie wil groei sien en so sal daar telkemale teikens gestel word en dus is die nuwe sateliet streke wat hierdie jaar die lig gesien het, 'n welkomme gesig. So sal SAWA stadig maar seker groei. Wat die volgende 5 jaar vir ons as Rietvallei inhoud, sal ons nie weet nie, maar ek is verseker daarvan dat die lede sal toesien dat dit net beter sal gaan met Rietvallei.

Christelike Waarhede

- ~ Die beste manier om iemand "terug te kry" is om te vergewe.
- ~ Voed jou geloof en jou twyfel sal sterf van die honger.
- ~ Tensy jy die hele skepping kan skep in 5 dae, is dit miskien nie so 'n goeie idee om vir God voor te skryf nie.
- ~ Suksesvolle huwelike is nie om die regte persoon te vind nie maar om die regte persoon te wees.
- ~ Woede is 'n toestand waar die tong vinniger werk as die verstand.
- ~ Jy kan nie die verlede verander nie, maar jy kan die huidige ruïneer deur te bekommernoor die toekoms.
- ~ Alle mense glimlag in dieselfde taal.
- ~ 'n Drukkie is 'n groot geskenk! "*One size fits all!*"
- ~ Almal verdien om bemin te word veral hulle wat dit nie verdien nie.
- ~ Die werklike maatstaf vir 'n man se rykdom is wat hy belê het in die lewe hierna.
- ~ Indien iemand iets slegs van jou sê, leef so dat niemand dit glo nie.
- ~ Geduld is die vermoë om jou "*engine* te laat *idle*" terwyl jy voel jy wil jou "*gears strip*".
- ~ Harde woorde breek nie bene nie maar wel harte.
- ~ 'n Huwelik word versterk deur saam deur moeilike tye te werk.
- ~ Liefde is die enigste ding wat verdeel kan word sonder dat dit minder word.
- ~ Karakter word getoets deur voorregte, hoe meer voorregte iemand geniet, hoe beter kan jy sien wié hy werklik aan die binnekant is.

Mag God deur Sy Heilige Gees in ons almal se harte heers.



Ag liewe Jesus, pas Jouself
asseblief tog mooi op, want
as daar iets met Jou moet
gebeur, is dit tiekets met
ons!!

Kampnuus

Januarie 2011 ~ Nuwe Jaar Nuwe Dinge Lekker Kamp Ons Alweer ~ Mopani



Dit is ons eerste kamp vir 2011 en tradisioneel het ons Seniors die week vroeër gaan kamp. Dit wil nie voorkom of die reënerige weer enigsins 'n rol gespeel het in die opkoms vir die naweek nie aangesien ons 20

woonwaens was, en hierdie groepie Rietvalleiers is nie bang vir vloedwaarskuwings nie (gelukkig is/was daar nie riviere naby ons nie).

Tydens die seniors se vroeër saamtrek het tannie Rina Woensdagaand skeef uit die woonwa getrap en haar been gebreek. Oom Sieg en tannie Annatjie het haar en oom Neels hospitaal toe geneem. Sy is die volgende oggend geopereer waarna penne en skroewe ingesit is.

Die operasie het baie goed afgeloop, maar Saterdagoggend moes sy terug teater toe aangesien die wond nie wou ophou bloei nie. Sy is Maandag ontslaan en sterk goed aan by die huis.

Vrydagaand is lekker "steakrolls" en roomys deur ons kampkommandante Jaco & Trix en hul span verkoop.



Saterdag was 'n lui-lekker ontspanne dag. Die middag het fyn reën uitgesak maar dit het ons genoeg kans gegee om die buurman se vleisie te braai – weereens reën sit nie die gesoute kampers af nie.

Alhoewel dit Sondag Wim se 70ste verjaardag was het die Seniors Saterdag 'n spesiale verrassingstee vir hom gereël om hierdie groot dag saam met hom te kan vier.

Sondag het Ds. Herman Grobelaar (en gesin) vir ons die erediens kom lei, al die pad van Kaia Manzi in Bronkhorstspruit. Met afloop van die erediens is daar deur die Rietvalleiers spesial vir Wim "Laat Heer, U seën op hom daal" gesing en sodoende hom spesiale wense toegewens.

Die sagte reën het weereens heerlik geval maar na die diens en afsluiting en dit brunch-tyd was, het die son uitgekom en ons het almal heerlik ontbyt gemaak terwyl die seile gedroog het.



Aansporingsplaatjies is uitgedeel aan (links) Daan & Elize vir 25 Algemeen, (links onder) Johan & Marlene 20 Streek asook aan (regs onder) Willem & Marnette (moes by haar 2e gemeente gaan aanmeld het) met hul 50 Streek.



BarhamBay (Witbank) :

25 – 27 Februarie

Diana Fourie

As jy afdraai na BarhamBay mag jy dalk wonder in watter agter-paaie jy verdwaal het, maar wanneer jy by die oord inry word jy aangenaam verras deur die pragtige oord langs die Witbank dam.



Die naweek het 11 Rietvallei gesinne, 2 gaste asook 8 kinders saam gekuier.

Vrydagdag het Nellie en Chris Stander & Diana en Jacques Fourie (kampkommandante vir die naweek) lekker pita broodjies met hoender vulsel voorgesit.



Die kinders en hoenders het dit geniet om in die paaie en tussen die woonwaens rond te speel.

Saterdag is rustig rondgekuier voordat die vure nader getrek is vir 'n lekker 'straatbraai'. Gelukkig het die Bulle ook nie teleurgestel nie en die meeste van ons kon met 'n tevreden gevoel gaan slaap.



Nkwe : Maart Senior Burger Naweek

Dié van julle wat weens omstandighede, nie die voorreg gehad het om hierdie “besonderse en wonderlike” kamp by te woon nie, het beslis iets buitengewoons gemis!!



Sommer met die intrap wil ons die naweek se kampkommandante Wim & Margriet v.d. Berg en Fritz en Etrishia Crous geluk wens met ‘n uiters suksesvolle naweek wat baie beplanning gevverg het.

Soos alombekend begin ons aktiewe senior burgers al vanaf Woensdag kamp, omdat ons die “tyd het en nie soseer die geld nie” maar seer sekerlik omrede ons vir mekaar lief is en mekaar se samesyn/geselskap geniet. Daar is Donderdag met entoesiasme reeds begin met die maak van gemmerbier ens. Dit is nou behalwe die pannekoek met maalvleisvulsel wat Vrydaggaand verkoop is. Almal kon genoeg kry, soveel so, dat ons Saterdag vir ontbyt nog daarvan kon eet.

Die groot dag het aangebreek!!.. Na Vrydagmiddag se storm, het ‘n wonderlike, sonnige Saterdagoggend ons begroet en is daar al van vroeg af in alle erns met die voorbereidings begin.

Sommer vroeg-vroeg het ons genooide “seniors” begin arriveer. Behalwe hulle het van ons aktiewe senior kampers soos **oom Neels (regs)** en tannie Rina de Klerk,



oom Willem (regs) en tannie Martie Momberg, tannie Anne wie se “nuwe woonwa” nog aan gewerk word, asook Willie en Rentsia Breytenbach, ook die geleentheid bygewoon. Oom Pieter Reitz het die naweek alleen saam met ons gekamp aangesien tannie Joan se gesondheid van so gehalte is dat sy nie die spesiale naweek kon meemaak nie.

Tafels, stoele, eetgerei en die lekkerste eetgoed is gedek en voorgesit. Die gemmerbier het groot aftrek gekry. Gelukkig het dit nie van Sieg se witblits bevat nie! Die dag het ook sy uitdagings opgelewer – hoe gaan ons tannie Rina tot daar bo in die saal kry? Te veel trappe en ‘n seer been werk nie saam nie! Maar soos tipiese kampers het Klaus en Hennie onmiddellik ‘n stoel nader getrek, die tante daarop geplaas en soos wafferse jong rugbyspelers haar daar opgetdra!

Wat ‘n verrassing toe daar uit die bloute ‘n “senior boere orkes” arriveer. Ook ‘n reëling van Sieg (senior), wat die “kersie op die koek” was. Die orkes het ‘n gejeuk in die voete laat opkriewel wat veroorsaak het dat daar aan die dans geraak is. Krank of nie, jy het alles ingespan om deel van die pret te hê

Van ons “seniors” soos **tannie Rina en tannie Elize Harrington** wat verlede jaar se Senior Burger naweek ook bygewoon het, het tot laatmiddig saam met ons gekuier.



Hans Koekemoer het sy Saterdagmiddag uitsending oor Radio Pretoria, in geheel toegespit aan SAWA Rietvallei se wonderlike SENIOR BURGER naweek. Daarmee het die luisterraars kennis geneem van SAWA en in besonder van ons senior burger aksies.

Na Sondag vroegoggend se stortreeën, het Willem & Marnette, deur al die waterpoele oppad na Nkwe, by ons aangesluit om ‘n wonderlike naweek, soosveral hierdie één, in die naam van ons SKEPPER af te sluit. Daarmee saam is ons geseen deur die wonderlike musiek en samesang van **Marnus en Elize** (dogter en skoonseun van Fritz en Etrishia).

Ons eie FEESNAWEEK

Monateng Mei 2011

Dit was met groot verwagting en opgewondenheid dat ons (anoniem) alreeds op die Donderdag opgeruk het na Monateng, waar ons as Rietvallei ons 5-jarige bestaan as 'n volwaardige streek sou vier.



Nodeloos om te meld, sommiges het alreeds van vroeg Woensdag af hulself daar inge(senior)burger (sic). Weldra, en deur die loop van Vrydag het al meer Rietvallei-lede opgedaag. Wat my veral opgeval het was dat hulle hulself oor die ganse breedte van die kampterrein ingerig het.

Dit is huis vir my so lekker van die Rietvalleiers, deurdat sommiges daarvan hou om in groepies bymekaar te staan, wyl ander weer so ietwat eenkant en half privaat wil staan.

En almal aanvaar dit so!

Vrydagaand se pap, sous, slaai en kole, verskaf deur die kampkommandant, en elkeen wat net sy eie vleisie bring en self moes braai, was vir my soos 'n nuwe briesie. Dit het die kamp in 'n lekker kuier atmosfeer laat afskop.



Saterdagoggend, is die viering voortgesit met die meer as 300 pannekoek wat met allerlei lekker vulsels gebak en verorber is. Getrou aan Rietvallei se styl het talle helpers spontaan hul dienste aangebied en 'n ware



fees
atmosfeer het onder ons
geheers.

Dit het die res van die naweek voortgeduur. Daar was ook 'n voertuig gereël vir wildbesigtiging en andersins het die res van ons net luilekker voortgekuier in afwagting op die aand se verrigtinge.

Die voorbereiding en gereedmaak van die lapa deur die loop van Saterdag het feitlik ongesiens en stil in die agtergrond plaasgevind, en toe ons so teen half ses by die lapa opdaag, was dit 'n ware fees vir die oog.

Die tafels was keurig en volgens elke gasvrou se hand, en persoonlike smaak opgemaak.

Die mees oorspronklike tema is later beloon met 'n prys – die kinderpartytjie-tafel van gasvrou Elsabé Grobler met die uitbeelding van Rietvallei se "**Ek is 5 Jaartjies Oud**".



Wat ook opgeval het was die grootte van die Senior Burgers se tafel. Laat dit nou 'n wekroep tot die jonger garde wees naamlik, of vermeerder jul getalle deur natuurlike

aanwas, of stel nuwe lede van jul portuurgroep voor aan SAWA-Rietvallei, anders gaan ons Streek stelselmatig verouder.



Na die gebruiklike toesprake deur Klaus, Tjaart en Chris, waarin daar verwys is na die ontstaan van die gedagte van 'n aparte streek en uiteindelike geboorte en groei van Streek Rietvallei, het Fanie en Pieter onderskeidelik die groete en goeie wense van Nasionale- en Gebiedsbesture aan Rietvallei Streek oorgedra.

En toe eers kon ons begin smul aan die keurige geregte.

Johann Grobler, wat die eerste voorsitter van Rietvallei was, het die eer gehad om die kersies op die verjaardagkoek uit te blaas.



Tussendeur het daar 'n lekker houtvuur gebrand wat 'n ware bosveld atmosfeer geskep het. Die musiek het later 'n paar dansers aangespoor om vir 'n kort rukkie van hul jig en rumatiek te vergeet, en glo my vry; daar was selfs 'n paaldanser onder hulle.

Na 'n jeuglike aand, waarna almal weer fluks gehelp het met die opruiming, kon ons vir eers gaan lappe trap.

Sondag is daar op gepaste wyse vroeg afgesluit met 'n erediens deur ons eie ds. Marnette, waarna verskeie lede eers weer gebraai het voordat hulle later traag begin huiswaarts keer het.

Nou lê daar natuurlik die volgende groote, naamlik die 10 Jaar Feesviering vir ons voor.

Ek hoop regtig dat ek nog in goeie gesondheid en gees sal wees teen daardie tyd, want soos die lewe maar met ons werk het nie almal wat 5 jaar gelede saam met ons begin het, die voorreg kon smaak om hierdie 5 jaar herdenking saam met ons te kon vier nie.

Groete tot dan, en lekker bibber, ag ek meen kamp, deur die wintermaande. Sien julle eers weer in Augustus.

Anoniem.



Lief & Leed



Lief:

- ❖ 'n Jaar gelede sou **Johann Grobler** nie gedink het dat hy 2 dogters (Telani – Leon se beterhelfte en ook Madeleen wat mev Grobler word in Augustus) EN 'n kleinkind gaan ryker word nie.
- ❖ Baie geluk aan Oupa en Ouma Koekemoer! **Hans en Erna** se jongste dogter Colette, en haar man Charl, het 'n dogterjie ryker geword!

Leed:

- ❖ Dit is met leedwese dat afskeid geneem moes word van **Phillip van Jaarsveldt**. Ons gebede gaan saam met Sanet en die gesin.
- ❖ **Lulu Kleynhans** het haar broer aan die dood afgestaan – alle sterkte word haar en Steve toegebid.
- ❖ **Oom Neels & tannie Rina** se kleindogter is oorlede nadat sy in 'n koma gegaan het weens suikersiekte. Ons gebede gaan saam met hul en die gesin.

Seniorburger Hoekie

Ons en SAWA

Oom Neels gesels so.....

Toe ons in 1990 aftree,
koop ons 'n woonwa om ons
mooi land te deurkruis en
te ontdek.

Ons eerste lang tog was in 1991
na Namakwaland en sy mooi
blomme en natuurprag. Op
Springbok dink ons by onsself

dat ons darem mal is om 'n woonwa so vêr te sleep, net om te ontdek dat mense van Phalaborwa ook daar kuier. Dus iemand darem maller as ons! Ons reis voort tot in die Kaap deur die Tuinroete terug via die Vrystaat. So volg daar 'n paar toere na Oos Transvaal, Natal en Noord Transvaal. Ons ondervind egter die alleen toer laat ons baie eensaam voel en besluit om ander opsies te ondersoek.

So kruis ons weë met Ann en wyle Kiwi Henning op 'n toer na Zimbabwe. In 1999 onderneem Wapadrand streek 'n toer na Zimbabwe en ons wil saam! Ann beveel ons aan om aan te sluit by SAWA (wat het SAWA toe getref) en daar gaan ons. Ons smee goeie vriendskapsbande wat vandag nog behoue is. In 2000 gaan ons saam met wyle Jan van Niekerk en Thys van Zyl op 'n Senior Burger toer na Krugerwildtuin, Kruinroete



(Oos Transvaal), Drakensberge ens.

Met die toer deur Oos Vrystaat, Oos Kaap na Kaapstad help ek die roete beplan en weens siekte van Thys en wyle Jan word ek gevra om die toer te lei. Daar word ook besoeke afgelê na die Noord-Kaap, die bekende Roete 62, Baviaanskloof, Oos-Kaap, verskeie parke en selfs Orania.

In 2005 is ons ingeburgerde Sawanante. Toe kom die afstigting van Rietvallei en word ons deel van die afstigers. Nou kyk ons na 5 jaar terug en kan net sê dit

was 5 jaar VOL PLESIER en GENOT. Ons kon as gevolg van die kleiner streek die ander lede beter leer ken. As Senior Burgers is ons baie aktief. Elke kamp is 'n plesier en wanneer ons op pad is huistoe dan sien ons reeds uit na die volgende een.

Met elke toer en tydens kampe is daar saans die samekom vir boekеват. So kom ons 5 jaar funksie nader en word dit in die lapa van Monateng gehou. In my gedagtes sien ek 'n skaapkraal (die lapa) en hoe die skaapwagter sy skape byeen bring en ek verbind dit aan ons

geleentheid. Toe kry die 1e vyf woorde van Psalm 23 "Die Here is my herder" soveel meer betekenis vir my. Op al ons toere en ritte, na en van ons kampe, was ons voorspoedig geleei. Voorwaar is en was daar 'n Herder vir Rietvallei!

Deur alles het ons in SAWA en in besonder Rietvallei net plesier ervaar. Baie baie dankie aan elke Rietvalleier wat soveel vir ons beteken en soveel hulp verleen wanneer ons dit nodig het. Mag Rietvallei in die volgende 5, 10 jare net seën van ons Herder sowel as voorspoed, geluk en groei ervaar



Wenke

Gebruik gaskoeldrank waarvan die gas uit is in potjiekos of vir gehakte hoender. Die koeldrank absorbeer die vet wat die sous verdik.

Plak 'n magneet teen jou badkamerkassie om jou haartangetjie, skértjie of naelknipper byderhand te hê

As 'n pot aangebrand het, gooi 'n bietjie koeksoda daarin en laat oornag staan. Jy sal dit die volgendeoggend maklik kan skoonmaak.

Bêre jou kamera in 'n seephouertjie as jy reis om dit droog te hou

Smeer 'n bietjie parfum met 'n stukkie watte onder aan jou strykyster, dan ruik jou klere lekker.

Bêre skoene in ou wynhokse om te keer dat jou kas ruik.

Bedek deurknoppe met voelie wanneer jy verf


Kleilat

sudoku

	8			7			6	
1	5				3			
2				5	9			8
		5	7	9		1	4	3
	1	4		8		2		
3					6	8		
	3				8		7	
			5			9		
4		9	6	2	1	3		

Sien oplossing op laaste bladsy

Jesus loop op die water



Nuus vanaf Rietvallei Bestuur en ander

❖ Nominasie vir Rietvallei Bestuur

Nominasies word ingewag vir die verkiesing van Rietvallei Bestuur 2011/2012 tydens die Augustus AJV. Voltooide nominasievorms (sien www.sawa.org.za, Jakaranda, Rietvallei) moet deur die genomineerde geteken word (elektroniese weergawe sal aanvaar word waar die oorspronklikes dan tydens die AJV geteken kan word) en voor 20 Julie aan Tjaart of Margriet besorg word.

Bestuursposte is:

Voorsitter, ondervoorsitter, sekretaris, penningmeester, redakteur en twee addisionele lede.

Die volgende huidige bestuurslede het hulself beskikbaar gestel vir 2011/2012:

- Hennie Engelbrecht
- Lucille vd Berg
- Tjaart Klaasen

❖ Algemene Jaarvergadering

Kennis word hiermee gegee van die 6e Algemene Jaarvergadering van SAWA Streek Rietvallei wat gehou sal word op Saterdag 20 Augustus 2011 by EastCo Woonwapark.

❖ Bosveld Kuiernaweek – Julie 2011: Neem asb kennis dat beide die voorafgaande Senior Burgerkamp asook die naweekkamp te Manyane as Rietvallei Streekkampe sal tel.

❖ Verandering in Sawa Bestuurstruktur

Johann Lemmer se artikel verduidelik die betekenis van die vernuwing in die SAWA Bestuurstruktur verandering” verduidelik die voorgestelde verandering breedvoerig.

Sien die web adres hieronder:

<http://www.sawa.org.za/?Task=system&CategoryID=29864&HeadingText=Sawa+Aktueel>

❖ **Kongres 2012**

Die NUB het besluit om 2012 se Kongres by ATKV Hartenbos te hou. Datum van die Kongres is vanaf 21 tot 24 September 2012. Besonderhede oor 'n moontlike toer na Hartenbos sal later deurgegee word.

❖ **Gebiedsaamtrek 2011**

Dagboek die naweek van **9 & 10 September 2011** en kom geniet gebied Jakaranda se jaarlikse saamtrek te Weesgerus. Die tarief beloop R215 per nag, per staanplek.

GEBIED JAKARANDA:

Gebied Jakaranda bestaan uit die volgende Streke/Satelliete: Bosveld, Bronberg Satelliet, Jekskei Satelliet, Kiepersol, Koraal, Kremetart, Pretoria, Rietvallei, Wapadrand en Waterberg.

Die gebiedsbestuur is soos volg:

Voorsitter: Pieter van Blijon; Ondervoorsitter: Hennie Ferreira; Sekretaris: Mel Ueckermann; Senior burgerverteenvoordiger: Johanna van Blijon; Redakteur: Johann Lemmer



Kontak Bennie by Benka Tent, vir die vervaardiging van alle seil verwante kamptoerusting, asook die maak, herstel en of aanpas van tente en seile.

Tel no. 079 527 3212 of

E-pos benkatent@gmail.com



Piesang-en-karamelpannekoeke

Deur Marlene van Eeden

Jy benodig

- 1 pak klaargekopte crêpes (die kry jy deesdae in enige supermarket wat sy sous werd is)
- 1 blik karamelkondensmelk
- 6 piesangs (hang natuurlik af hoeveel gaste jy na jou piekniek nooi)



Só maak jy

1 Smeer 6 crêpes lekker dik met die karamelkondensmelk. Sommer tot op en oor die rande, moenie snoep wees nie.

2 Skil die piesangs af en rol 'n piesang in elk van die crêpes op.

3 Sny die piesang-rolle in die skuinste deur. En siedaar.

NS: As jy naby kole is, so terwyl jy die vleis braai, sit jy die piesangs in die skil op die rooster en draai hulle gereeld om totdat die skil swart is. Skil hulle dan af en sit hulle in die crêpes. Dan het jy 'n koningskos-nagereg

Lekker Lag

Hoe weet jy wanneer jy moet ophou bestuur?....
Wanneer jou hond hierdie uitdrukking op sy gesig het



VAN DER MERWE....

Van der Merwe stap op die strand naby Knysna en tussen die duine ontdek hy 'n olielamp. Hy vryf die lamp en daar verskyn 'n gees.

"Wat is jou wens, Meester?" wil die gees weet.

Van der Merwe dink diep. "Die meeste van my familie en vriende woon nou in Australië. Ek wil graag 'n brug tussen Suid-Afrika en Australië hê sodat ek so af en toe vir 'n naweek kan oorry om te gaan braai."

Die gees in die lamp skud sy kop.


"Dis 'n vreeslike wens. Weet jy hoe lank so 'n brug sal moet wees? Die hoeveelheid beton wat nodig sal wees om dit aan die bodem van die see te anker? Die tienduisende



kilometer staalkabels om die ding regop te hou? Die miljoene lampies om dit in die nag te verlig? Wil jy nie die saak goed deurdink en iets anders kies nie?"

Van der Merwe dink weer. Daar is nie regtig iets anders wat hy wil hê nie, toe vra hy sommer: "Ek wil vroumense kan verstaan. Ek wil kan weet hoekom hulle huil wanneer hulle huil, hoekom hulle kwaad is wanneer hulle kwaad is, en hoekom hulle stilstuipe kry."

Die gees oorweeg die saak vir 'n oomblik en vra dan: "Moet die brug twee of vier bane hê...?"



Kampprogram 2011



WANNEER	WAAR	KAMPKOMMANDANTE
14 – 15 Januarie	Mopani	Frits & Tanya Kroon Jaco & Trix vd Berg
11 – 12 Februarie	Bloekompoort	(Oop NUB)
25 – 26 Februarie	Barham Bay (Witbank)	Jacques & Diana Fourie Chris & Nellie Stander
23 – 24 Maart	Nkwe	Senior Burgers
25 – 26 Maart	Nkwe	Senior Burgers
22 – 25 April	Potchefstroom Dam	(Presidente)
20 – 21 Mei 2011	Monateng (Molotopad)	Rietvallei Feesvieringskommitee
10 -11 Junie	Bosfontein (Warmbad)	Chris & Lizette Schulte
26 – 28 Julie	Manyane (Pilansberg)	Bosveld Uitnodigingsnaweek
29 – 30 Julie	Manyane (Pilansberg)	Bosveld Uitnodigingsnaweek
19 – 20 Augustus	EastCo (AJV) (Magaliesburg)	Bestuur
9 – 10 September	Weesgerus	(Jakaranda Gebiedskamp)
23 – 24 September	3 Berge (Brits)	Albert & Inge Gazendam
7 – 8 Oktober	Buffelspoort	(Kongres)
28 – 29 Oktober	Klein Paradys (Brits)	Ben & Alta van Eeden Tinus & Tersia Fourie
18 – 19 November	De Voelpadkloof	Bestuur

Let asb daarop dat Streekskampe in blou gemerk is.

Notas:

Rietstok Nuusbrief

- ⌚ Plasing van berigte, artikels, of enige ander bydraes of advertensies impliseer nie noodwendig dat dit die standpunt van Sawa of Rietvallei se bestuur is nie. Kommentaar en ander redaksionele artikels word deur die redakteur verantwoord.
 - ⌚ Baie dankie aan almal wat bydra tot die nuusbrief - sonder julle vrolike kampe en bydraes kan daar nie 'n nuusbrief wees nie.
 - ⌚ Stuur asb ALLE nuus asook fotos aan groblerie@absamail.co.za
 - ⌚ Die Rietstok nuusbrief is ook beskikbaar op SAWA se webtuiste (www.sawa.org.za).

7	8	5	9	6	1	2	4	3
6	4	9	2	3	5	7	8	1
3	2	1	7	4	8	6	9	5
9	6	7	1	5	4	3	2	8
4	3	2	8	7	6	1	5	9
1	5	8	3	9	2	4	6	7
8	9	3	6	2	7	5	1	4
5	1	6	4	8	3	9	7	2
2	7	4	5	1	9	8	3	6